



Diocese of Kroonstad

Tel: (079) 833 9568
Email: bishop.krd@act.co.za
P.O. Box 129,
Kroonstad, 9500

MOLAETSA WA MOBISHOPO LE DITUMETSO TSA PASEKA 2021

Ho Baprista, Badiakone, Baena le Dikgaetsedi

Ke ya le dumedisa ka thabo jwaloka ha re keteka Mokete wa Paseka wa Tsoho ya Morena. Mokete wa tumelo le tshepo tse ntjhafaditsweng jwaloka ha re phatlalatsa Alleluia Morena o tsohile ka nnete! Lefifi la Labohlano le Molemo le qhalanngwa ke Lesedi la Tsoho ya Morena. Phatlalatso ya Paseka e binwang Tebelong ya Paseka ke sefela sa thoriso ho Modimo nalaneng ya pholoho ya rona. Re ne re kile ra lahleha sebeng le lefung empa jwale ka Tsoho ya Kriste re ya phela mme re phela leseding la hae le kganyang.

Molaetsa wa tshepo oo re o hlokanakong tse na tsa diphepetso tsa Covid-19 ha bohle re ikutlwa re eiseha, re tshwenyehile e bile re amehile. Malapa a rona, diphutheho, meloko le metswalle ba fetile hara mahloko ke coronavirus ena mme hape bao ka maswabi ba ileng ba lahlehelwa ke bophelo ke yona. Ke tshedisa bohle ba lahlehetsweng ke baratuwa ba bona. Morena ya tsohileng bafung a ke a ba fe phomolo e sa feleng.

Jwaloka ha rona Sedikeng sa Kroonstad re amehile ka sekgahla ke Covid-19 diphuthehong tsohle tsa dipharishe tsa rona nakong ya ho kwalwa le ho bulwa ha dikereke, ha re so kgone ho sebeletsa ka botlalo bophelo ba moya le bodisa ba kereke, e leng tsa bohlokwa bophelong ba Kereke. Boemo a ditjhelete le bona bo amehile ka sekgahla hoo re sitwang ho fihlella boikarabello ba ditjhelete. Sohle seo re ka se etsang ke ho tshepa hore ente eo re e tshepitsweng e tla fumaneha kapelepele mme re ka kgutlela mokgweng wa tlwaelo.

Ke ya tshepa ha jwale dipharishe di se di phethetse ka dikgetho tsa Makgotla a Bodisa le Dikomiti tsa Ditjhelete. Dikgetho tsa Lekgotla la Bodisa la Sedika di se di tla tshwarwa. Di ile tsa diehiswa ke dipehelo tsa Covid-19. Re tshepa di tla tshwarwa haufinyane.

Ke amohela ka tsela e ikgethileng bao ba amohetseng disakramente tsa Lebollo ya Bokriste le bao ba amohetsweng ho ba ditho tse felletseng tsa Kereke e Katholike Meketeng ya Paseka. Ke ya le lebohisa!

Jwaloka Setjhaba sa Paseka rapelang ka tshepo bakeng sa phodiso ya lefatshe le naha ya rona seweng sena sa Coronavirus. Ke le leboha kaofela ka ho tshhetsa Mobishopo le Sedika sa rona. Ke le lakaletsa Paseka e monate e tletseng Nyakallo!

Wa Iona ho Kriste Morena
P. Holiday
Mobishopo Peter Holiday

